



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU POKRETA ZA ŠEKOVIĆE

Broj: 03-07-6-65/09  
Sarajevo, 18. maj 2010. godine

## SADRŽAJ:

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REВИЗИЈЕ .....	5
5. NALAZI I PREPORUKE .....	5
5.1 NALAZI .....	5
5.2 PREPORUKE .....	6

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Pokreta za Šekoviće i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**1. Pokret za Šekoviće nije postupio u skladu sa odredbama člana 11. stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Pokreta za Šekoviće i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Pokret za Šekoviće je iskazao ukupne prihode u iznosu od 5.020,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00 %
2	Prilozi fizičkih lica	5.020,00	100,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
	Ostali prihodi	0,00	0,00 %
	<b>Ukupni prihodi:</b>	<b>5.020,00</b>	<b>100,00%</b>

U godišnjem finansijskom izvještaju Pokret za Šekoviće je iskazao ukupne rashode u iznosu od 16,20 KM.

## 2. PREDSTAVLJANJE POLITIČKE STRANKE

Naziv političke stranke: Pokret za Šekoviće.

Pokret za Šekoviće je dana 29.04.2008. godine registrovan u Osnovnom sudu u Sokocu pod brojem 089-0-Reg-08-000-151.

Sjedište političke stranke je u Šekovićima, ulica Rajka Bobara bb.

Za zastupanje stranke ovlašten je Milorad Filipić, predsjednik.

Lice ovlašteno za podnošenje finansijskih izvještaja za 2008. godinu je Venera Begović.

Prema podacima iz godišnjeg finansijskog izvještaja za 2008. godinu, Pokret za Šekoviće nema nižih organizacionih dijelova.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Pokreta za Šekoviće za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Pokret za Šekoviće u izvještajnom periodu postupao u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Pokreta za Šekoviće obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Kontrola se obavlja prvi put.

### **5. NALAZI I PREPORUKE**

#### **5.1 NALAZI**

**Pokret za Šekoviće nije postupio u skladu sa članom 11. stav (3) Zakona o finansiranju političkih stranaka**

- Pokret za Šekoviće je godišnji finansijski izvještaj za 2008. godinu dostavio dana 05.05.2009. godine, tj. nakon zakonom propisanog roka.

#### **Troškovi predizborne kampanje**

Prema podacima iz godišnjeg finansijskog izvještaja za 2008. godinu i postizbornog finansijskog izvještaja, Pokret za Šekoviće nije iskazao troškove predizborne kampanje.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>1</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Pokret za Šekoviće je u svrhu izborne kampanje mogla da potroši 2.072,40 KM.

---

<sup>1</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## 5.2 PREPORUKE

*Preporučuje se Pokretu za Šekoviće da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 11. stav (3) Zakona o finansiranju političkih stranaka, i to:*
  - *da finansijske izvještaje dostavlja u roku koji je utvrđen Zakonom o finansiranju političkih stranaka.*

### KOMENTAR:

U ostavljenom roku, Pokret za Šekoviće je dostavio odgovor na Preliminarni izvještaj o pregledu godišnjeg finansijskog izvještaja za 2008. godinu. Stranka je uz odgovor dostavila ispravljeni obrazac 2 (pregled prometa transakcijskih računa) godišnjeg finansijskog izvještaja za 2008. godinu, čime je otklonila nedostatke u izvještaju, što je Služba za reviziju uvažila, i u tom dijelu uvažila nalaz.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora